



Ямде лий

ВЛКСМ МАРОБКОМЫН ОРГАНЖЕ
Адрес: Йошкар-Ола, Совет пöрт, „Ямде лий“ редакций.



Марийский АССР Конституцийын (Основной Законын) 108 статьяжым вашталтыме да ешарыме нерген

Марийский Автономный Советский Социалистический Республикын Верховный Советше пунчалеш:

Марийский АССР Конституцийын 108 статьяжыке вашталтыш ден ешарымаш-шамычым пурташ, тудым тыгай редакций дене изложитлаш:

108 статья. Марийский АССР-ысе шемер депутат-шамыч Советлашке сайлымаш избирательный округ еда тыгай норма дене ышталтеш:

Районный Советыш—1.000 ең населений деч ик депутат; 25.000 ең марте населений районшто 25 депутат; 60.000 ең утла населений районшто 60 деч утла оыл депутат сайдалтеш;

Городской Советыш олан кугытшо почеш—350 ең деч шагал оыл да 500 ең деч шуко оыл населений-лан ик депутат; 12.000 ең марте населений олаште 35 депутат;

Сельский ден поселковый Советыш—100 ең населений деч ик депутат; 1.000 ең марте населений села ден поселкылаште 9 депутат, а 2.500 утла населенийште—25 депутат деч шуко оыл сайдалтеш.

Шемер депутат-шамычын кажне районный, городской, сельский ден поселковый Советыштан избирательный норма, тиде статьяште ончыктым норма гыч лекде, „Марийский АССР-ысе шемер депутат-шамычын районный, городской, сельский ден поселковый Советлашкышт сайлыме нерген Положений“ дене устанавливатлатеш.

Марийский АССР Верховный Совет Президиум
Председатель—КАВАЛЕРОВ.

Марийский АССР Верховный Совет Президиум
Секретарь—КУКИН.

ССР Союз Наркомфиннын увертарымыже

1939 ийын 20 августлан 1.431.871 кумышо пятилеткын (кымышо ийыште лукмо) Заем-лан подписка 7 миллиардат 431 миллион 871 тужем тенгешке шуын, вес семын манаш, заемын установит-

лым суммжым тужем тенгелан эртарен. Кумышо Пятилеткын (кымышо ийыште лукмо) Заем-лан подпискым умбакыже ышташ 1939 ий 21 август гыч чыла вереат чарыме.

Мый подрабфакыште тунемаш туналам

Тений мый Пет'ял' пелэ кыдалаш школым (Сотнур район) отлично тунем лектым. Тунемме жапыште шуко гана премийым наледан. Тунемме ий пытымек премий дене пырля похвальный грамотым пуышт.

Кызыт испытаний деч посна Йошкар-Ола подрабфакыш тунемаш налыч. Мый тыштат чакнаш ом но. Первый тунемме кече гычак отлично тунемаш верч уло вийым пыштем.

Петрова Анна.



Снимкыште: СССР, РСФСР да Марийский АССР Верховный Совет-шамычын депутатышт (шолга гыч пурлашке): Орехов В. Д., Пивоварова А. И., Ласточкина, Пичугина Е. С., Домрачева Е. И.

Фото М. Чуршукерын.

ВАШКЕ ПЕРВЫЙ СЕНТЯБРЬ—ТУНЕМАШ ТУНГАЛМЕ КЕЧЕ ШУЭШ



Нине „ОГПУ“ колхозысо (Йошкар-Ола район) йоча-шамыч улыт. Тунемше, пионер-шамыч тений тунемаш кайшашлык йоча-шамыч коклаште.

Снимкыште: пионер Аникин Володя йоча-шамычлан интересный книга м лудеш.

Фото М. Чуршукерын.

Тунемаш каяш ямде улам

Вучымо кече—первый сентябрь вашке толын шуэш. Мый тунемаш тунгалаш чыла шотыштат ямде улам. Пелэ кыдалаш школышто тунемаш кулшо учебник ден возымо узгар-шамыч мыйын чыла ситышын улыт. Турло пушенге лышташым, пеледышым, турло шудо-шамычым поген, „Ботаника“ книгагн листаже-шамыч коклаш оптенам. Уро-кышто растенийм тунемме годым мыланем нуно кулеш лийыт.

Мый курылте „Ямде лий“ газетым лудын шогем. Тушто йоча-шамыч у тунемме ийлан ямдылалтышт нерген возат. Мый тунемаш тунгалаш ямде улам.

А. Емельянов.

Тор'ял район,
„Ужара нур“ колхоз.

Мишан мутшо

Кодшо тунемме ийыште Пуртиков Миша 6-шо классым сай да отлично отметка дене тунемын лекте.

Тудо кенжежым сайын каныш, колхозлан полшаш кошто. Тунеммыжымат эре-ак ушештарен лудеш. А кызыт Мишан тунемаш тунгалаш стабильный учебник-шамыч, молат ямде улыт. Тудо шыргыжалын гына оила:

— Отлично тунемам гын велэ мыланем ласкан, веселан чучеш. Тений тунемаш отлично гына тунемаш тунгалам.

Егоров Саню.

Шордур НСШ,
Морко район.

МЫЙЫН КУАНЫМАШЕМ

Мый кандаш ияш улам, тений школыш тунемаш каем. Могай куанымаш! Шуко йоча-шамыч мыйын гай куаныше улыт, вет нуно первый гана школыш каят. Но мый школыш умаштак миенам. Пел тылзе тунеммеке, тунуктышо Сергей Афанасевич шым ияш гына улмемлан мыйым

мөнгө колтыш. Мыланем обидне ыле. Но жап эртыш, мый кандаш ияш лийым. Мый 1-ше сентябрыште адакат Шуаш-нур тунгалтыш школыш каем да уло вийым пыштен тунемаш тунгалам. Кызыт тиде кечым вучем.

Зинкова Муза.

Йошкар-Ола район,
Йула-Сола ял.

КАНИКУЛЫМ ВЕСЕЛАН ЭРТАРЫШЫМ

Мыйым сай да отличн тунеммемлан школ дирекций районный пионерский лагерыш канаш колтыш. Лагерыште канаш пеш весела ыле. Ме кас еда кино онченна, концертыш коштынна, костерымат эртарышна. Мыланем эн хот „Шел солдат с фронта“ да „Чапаев“ кино картина-шамыч келшышт.

Тидын деч посна ме экскурсий дене ятыр вере миенна: электростанцийш,

типографийш, метеорологический станцийш.

Лагерыштак мый „БГТО“ да „БГСО“ значоклан нормым сдатлышым.

Кызыт мый шке колхозыштем улам. Тыште йоча-шамычлан лагерысе илыш нерген каласкалем, нуным у военный модыш дене модаш тунуктем, адак колхозлан уборка пашаште кертмем семын полшем.

Петров Миклай.

У.Тор'ял район,
Тошто-Тор'ял кыдалаш школ.



Шихазан ялысе (Чувашский АССР) йоча-шамыч пырдыж газетым луктыт. Шолга гыч пурлашке: Петров Алеша, Альфансева Валя, Немакова Лена, Куликова Валя да Семенов Коля (редактор).

Нападатлаш огыл нерген советско-германский договорым заклучитлыме

23—24 август кечылаште Москваште Германиянын иностранный паша министрже господин Иоахим фон Риббентроп лийын.

23 августышто кечывалым 3 часат 30 минутышто нападатлаш огыл нерген договорым заклучитлыме нерген вопрос шотышто СССР Совнарком Председатель да Иностраный паша Калык Комиссар Молотов йолташ Германиянын иностранный паша министрже господин фон Риббентроп дене кутырен.

Кутырымаште Сталин йолташ да германский посол господин Шуленбург лийыныт. Первый кутырымаш 3 час жап шуйнен. Перерыв деч вара 10 час кастене кутырымаш уэш тунгалын да нападатлаш огыл нерген договорым подписатлымаш дене нытен.

Советский Союз ден Германия коклаште заклучит-

лыме нападатлаш огыл нерген договор Советский Союзын мирный политикижым эреак пенгыдемден шогымаште кугу значенин документ лийын шога.

СССР ден Германия коклаште заклучитлыме договор пеш кугу международной значенин лийын шога. Вет тиде договор СССР ден Германия коклаште ваш келшен кыл кучымашым велз огыл пенгыдемда, но пүтүн тунясе тыныс илышым пенгыдемдымаштат кугун полша.

Договорым заклучитлыме дене Германия ден СССР кокласе враждалан (келшыдымашлан) мучаш пышталтеш. Нападатлаш огыл нерген советско-германский договор СССР ден Германияк калык-шамычын дружбышт шкеныштын вянгмышт ден пелемдымаштатлан кулеш условиям ышта.

Нападатлаш огыл нерген советско-германский договор шотышто иностранный печатыште мом возат Германия.

24 августышто лекше германский газета-шамыч первый страницылаштак иностранный паша министр фон Риббентроп Молотов йолташ дене эртарыме шереговор нерген да Германия ден СССР коклаште нападатлаш огыл нерген договорым подписатлыме нерген Германский информационный бюрон официальный увертарымашыжым муртат. Газета-шамычын первый страницылаштак Германия ден СССР коклаште нападатлаш огыл нерген договорын текстшым печатлыме.

Фелькишер беобахтер" газета Германия ден СССР кокласе у пакт нерген уверым германский калык, Германияк ден Россияк калык-шамыч коклаште, кучык перерыв деч посна, кеч кунамат существовалыше положенийым восстановитлымаш семын вашлийыныт, манын воза.

Италия. Итальянский газета-шамыч нападатлаш огыл нерген советско-германский договорым подписатлыме шотышто кугу заголовок-шамыч дене увертареныт,

"Лаворо Фашиста" газета советско-германский договор нерген лумын кугу статьям печатлен. Тудо статьяште германский ден русский калык-шамычын лишемыштын саламлен возымо.

Китай. Китайский печать Германия ден Советский Союз коклаште нападатлаш огыл нерген договорым заклучитлыме фактым кугу удовлетворений дене палемда. "Чжунянжибао" газета ончыкта: Советский Союз ден Германия коклаште нападатлаш огыл нерген договор Японийым пера, вет Японийым изолироватлымаш эше утларак вянгдалтеш.

Япония. Японский газета-шамыч нападатлаш огыл нерген советско-германский договор шотышто кугу ормаш дене возат. "Кокумин" газета Германия ден Италия ынде Японийын союзникше огытыл, манын воза.

Английыште Лондонсо газета-шамыч германосоветский договорым ыштыме нерген увертарымашым да договорын текстшым эн коймаш вереш печатленит.

Марийский АССР Верховный Советын Кокымшо Сессийже шке пашажым пытарен

21 августышто Марийский АССР Верховный Советын эр заседанийже лийын. Тиде заседанийыште Марийский АССР-ын 1939 ийлан бюджетше да 1938 ийсе бюджетым шуктым нерген Марийский АССР Верховный Совет Бюджетный Комиссий председатель Д. Ф. Маракулин содокладым ыштен. Тидын деч вара 1939 ийлан бюджет да 1938 ийсе бюджетым шуктым нерген докладым обсудитлыме. Кас заседанийыште Марийский АССР-ын 1939 ийлан бюджетшым утвердитлыме.

22 августышто "Марийский АССР-ысе шемер депутат-шамычын районный, городской, поселковый ден сельский Советлашкышт сайлыме нерген Положений" проектшым ончымо. Тиде вопрос дене Марийский АССР Верховный Совет Законодательный Предположений Комиссийын членже депутат И. С. Шуттов докладым ыштен.

Верховный Совет тиде вопросом сайын обсудатлен налмеке "Марийский АССР-ысе шемер депутат-шамычын районный, городской, поселковый дене сельский Советлашкышт сайлыме нерген Положений" ик ой дене пенгыдемден, атак "Марийский АССР Конституцийын (Основной Закон) 108 статьяжым вашталтыме да ешарыме нерген Законом принматлен. Кас заседанийыште Марийский АССР Верховный Суд сайлымаш вопросом ончымо. Тиде паша дене депу-

тат В.Н. Товашов докладым ыштен.

Марийский АССР Верховный Совет Марийский АССР Верховный Судым 12 ен составаным, тугак 100 еным Марийский АССР Верховный Судын калык заседательжылан, 30 еным Московский округ Военный Трибуналын калык заседательжылан, 12 еным линейный железнодорожный судын калык заседательжылан да 20 еным Воднотранспортный судын калык заседательжылан сайлаш пунчалым принматлыме да персонально голосоватлыме дене калык заседатель-шамычым сайлыме.

Марийский АССР Верховный Судын председательжылан Ефим Гаврилович Софронов йолташым да Марийский АССР Верховный Суд председателын заместительжылан Федор Яковлевич Кудрявцев ден Алексей Лаврентьевич Бобылев йолташ-шамычым сайлыме.

23 августышто Верховный Совет Первый ден Кокымшо Сессий-шамыч кокла жапыште принматлыме да Марийский АССР Верховный Советлан пенгыдемдышашлык Марийский АССР Верховный Совет Президиумын Указше-шамычым пенгыдемдыме нерген вопросом ончыш.

Тиде вопрос дене докладым Марийский АССР Верховный Совет Президиумын Секретарьже депутат М. В. Кукин ыштен.

Верховный Совет Марийский АССР Верховный Совет Президиумын Марий-

ский АССР Калык Комиссар-шамычым назначитлыме нерген Указше-шамычым утвердитлен.

Внутренний Паша Калык Комиссарлан—М. Н. Иванов йолташым,

Пищевой Промышленность Калык Комиссарлан—И. Е. Князев йолташым, Здравоохранений Калык Комиссарлан—С. П. Лужнев йолташым,

Строительный материал Промышленность Управлений начальниклан А. П. Рубцов йолташым,

Искусство паша дене Управлений Начальниклан—А. Ф. Кашников йолташым.

Верховный Совет И. Н. Мироновым Пашазе-Кресаныйк Йошкар Арми радамаш каймыжлан лийын Здравоохранений Калык Комиссар обязанность деч утарыме нерген; П. Н. Вязмин йолташым искусство паша дене Управлений начальник обязанность деч утарыме нерген; А. И. Карачаровым Внутренний паша Калык Комиссар паша гыч сниматлыме нерген Марийский АССР Верховный Совет Президиумын Указше-шамычым пенгыдемден.

Законодательный Предположений Комиссийын председателже депутат П. Х. Сергеевым предложенийже почеш "Марийский АССР Конституцийын (Основной Закон) 47-ше статьяжым вашталтыме нерген" да "Марийский АССР Конституцийын (Основной Закон) 84-ше статьяжым ешарыме нерген" закон-шамычым утвердитлыме.



15 ияш пионер университетш пурен

20 августышто вузлашке пураш экзамен-шамыч пытенит. Московский государственный университетын түрлө факультетлашкыже 1.100 еным пуртымо. Нунын коклаште кугу способностян 15 ияш пионер Н. Дмитриев. Тудо университетын механико-математический факультетышкыже пурен.

89 у кинотеатр

РСФСР-ын түрлө олалаштыже кызыт 42 у кинотеатр-шамыч ышталтыт. Нунын коклагыч 28 театрге тенияк ямде лийыт. Уже Свердловскышто, Ижевскыште, Вологдаште у кинотеатр-шамыч почылтыныт. Тидын деч посна 47 районный центрлаште 150—200 еглан ситале кинотеатр-шамыч ышталтыт. Курский областыште 10 у кинотеатр-шамыч, Ростовскийыште — 5, Башкирийыште — 5 да моло версат почылтыт.

Заозерный сопка—Западный граница

Хасан лишне бойышто участвоватлыше 5 велосипедист-шамыч кум тылзе ончыч Заозерный сопка—Западный граница маршрут дене велосипедный пробегым ышташ лектыныт.

Москвашке нуно 17 августышто, срок деч 10 кече ончыч, 79 кечыште миен шуыныт.

Маршрутын кужытшо — 11.200 километр. Москва марте нуно 10.217 километрым каенит.

24 августышто отважный велосипедист-хасановец-шамыч белорусский мландыш пуренит. 25 августышто



Всесоюзный ял озонлык выставкыште. Армянский ССР павильонын ик ужажыже.



Йошкар-Олаште. 2-шо номеран йоча садысе йоча-шамыч Ленинский олимпиада кыштыт. Фото М. Чуршуконь.



ВЫСТАВКЫСЕ ЖИВОТНЫЙ МИР

Мемнан кружокна

Шукерте оыл мемнан колхозышто 13 тунемше-шамыч дене Осоавиахим-организаций почылто. Осоавиахим член-шамыч эн первояк шке ончыланшты "ЮВС" значоклан норма сдаяш задачым шындышт. Кружок руководитель Лас-точкин мемнан дене ятыр занятийым эртарен. Куд ең уже нормым сдатлен пыта-рышт.

Кушаков Зосим.

Морко район,
"Спартак" колхоз.

Виталий инженер лийнеже

Муравьев Виталий тений 4-ше классыште тунемаш тунгалеш. А кызыт тудо кенжеж каникулым веселан эртарат. Тудо мӱнгыштыж эре модыш-шамычым ыштылеш: автомобилем, самолетым, паровозым, але иктаж-могай мошым шонен луктеш. Вара шке йолташ-шамычым поген, пыр-ля модеш. Нуныжо пеш жуанат, тыге шонен, ыштен моштымыжлан пеш пагалат. Виталий инженер лийне-же.

Муравьев Миша.

Йошкар-Ола район,
Медведево ял совет,
Аксаматово ял.

32 книгам лудынам

Мый книгам лудаш пеш йӱратем. Кенжеж каникул годым кажне кечын гаяк Пионер пӱртысӱ библиоте-кыш лудаш коштынам. Ка-ныме жапыште 32 тӱрлӱ книга-шамычым лудынам. Утларакше мыланем воен-ный книга-шамыч келшышт. "Буденный", "Застава Па-влика Семенова", "Дзержинский" да "Танковый экипаж братьев Михеевых" книга-шамычым эн чот йӱ-ратен лудынам. Шкежат мый танкист лияш шонем.

Лудмем нерген мый мо-ло йолташем-шамычлан ой-лем. Нуно мыйын ойлымем колышташ йӱратат. Мый дечем могай книгам луд-шаш нерген йодыт.

Ныл кече гыч школышто лиям. Визымше классыште тунемше йолташем-шамыч-лан вик ойлен кертам: ка-никулым чаплын эртаренам, шуко книгам лудынам.

Вершинин Юра.

Йошкар-Ола, 6 №-ан школ.

Кенжеж кас рӱмбалга. Буденный лумеш колхозысо молочно-товарный фермын кызыт выставкыште улшо чабан (кӱтӱзӱ) - шамычше выставкын ужар пастби-щылаже гыч шкеншышты кӱтӱштым вольк шогык-тым кудовечыш поктен пуртат.

Колхозный доярка-ша-мыч леве вӱд дене шке ушкалыштын водарыштым мушкыт, вара ош полотен-це дене уштын, лӱшташ тунгалыт.

Кудовече мучко упшалт-ше шудын да лӱштымӱ шӱрын упшышт шарла. Лӱштымӱ атылаште йӱк эре эркин да эркин шок-та. Леве, нугыдо шӱр ведра тӱр марте темеш.

Винницкий областеш шоч-шо рекордсменка "Орби-тан" шӱржӱ кокымшо ве-

драмат тема, а шӱр эше ту-гак йога. "Орбитан" дояр-кыже нылле икымше лит-рым шотла.

"Орбита" деч посна вы-ставкыште 465 ушкал да ушкыж-шамыч улыт.

"Румь" - тиде "барабан-сон" ожин лумжӱ, тудым Горьковский областын По-чинковский конный заво-дышто куштымо. "Румь" 6.830 килограмм грузым, але 427 пудым шупшын кертеш. Кунам "Румь" ко-нюшнын коридоржо муч-ко шке станокшо деке кая, окналаште яндауат чыты-ра.

"Радуга" луман поро-дистый имне пеш чапле. Тудын скоростышо "Мос-ква-Владивосток" транс-бирский экспрессын ско-ростышо дене тӱр.

Выставкыш толшо-шамыч ончылно пеш шуко тӱрлӱ породан 180 имне-шамыч шогат. Тыште ямнын эн сай породышты улыт: Йош-кар Армийын почетный службышто улшо имне-ша-мыч, советский конный за-водлаште куштымо рысак-рекордист-шамыч, пеш ку-гу нелытым шупшын кер-теш знаменитый имне-ша-мыч.

Выставкыште 550 шорык уло. "Терек" колхозын гор-достышо - "Кукодин" луман, лӱзга межан йытыра тага кодшо ийын 19 килограмм пеш шергакан вякыж ме-жым пуэн.

Куйбышев оласе 82-шо школын 5-ше классысе уче-ница-отличница пионерка Нина Бессмертнован вос-питатлыме ош "Забияка" чыве (леггорн урлык) код-шо ийын 253 муным мун-чен.

Выставкын инкубаторлаш-тыже кеч йӱдум, кеч ке-

чывалым эре йукланымаш. Тыште кажне минутышто у чывиге шочеш.

Всесоюзный ял озанлык выставкын кумда террито-рийыштыже изи ола гай кугу вольк шогыктым кудовечым ыштыме. Изи олан узданийлаштыже кум тӱжем куд шӱдӱ латвич животный-шамыч улыт.

Элын породистый живот-ный-шамычым куштымаш-те шкеншыштын отличной пашашт дене чапланыше эн сай животноводческий ферма-шамыч пӱтӱнь со-ветский калыккан шке дос-тиженийыштым ончыкташ-лан тиде изи олашке кус-наш правам налыныт.

К. Владимиров.



"Конюх"
Животноводство павильонышто
пуримо залеш шогалтыме Пом-
мерын скульптуржо.



"Свинарка"
Животноводство павильонышто
пуримо залеш шогалтыме Дер-
новын скульптуржо.

„КИМ“ совхозын волькыш

Татарский АССР-ыште "КИМ" луман совхоз уло. Тиде совхозышто бесту-жевский манне урлыкш ушкал - шамычым ашнат. Тыгай ушкал-шамыч шӱрым шуко пуат. Кызыт тиде совхоз СССР-ыште ик он-чыл совхозлан шотлалтеш, тудын шӱрым шуко пушо ушкал-шамычым да стаха-новка-доярка - шамычым ятыр вере палат.

Кызыт "КИМ" совхоз Все-союзный ял озанлык вы-ставкын участникше. Тыш-те вольк ончымо чыла паша зоотехникын ойжо по-чеш ышталтеш. Вольк вӱ-там пеш арун кучат, ушкал-шамычым чӱчкыдын эрык-тат. Лӱшташ тунгалме деч ончыч ушкал водарым ле-ве вӱд дене мушкыт.

Шӱрым пумо шотышто

рекордистка - ушкал-ша-мыч поснак сайын ончат. Кенжежым, вольк кӱтымӱ жапыште, нуным шӱльӱ ден викым йӱрӱ варен удымӱ верыште кӱтат. Доярка-ша-мыч деке ушкал-шамыч прикритылыме улыт.

Совхозышто А. Я. Бары-шева йолташ пашам ышта. Тудо эн сай дояркылан шотлалтеш. Барышева уш-кал лӱшташ пеш мастар, шке пашажым чот йӱ-рата. Тудо вольк ончымо паша дене техминимумым отлично сдатлен. Барыше-ва пашаштыже зооветери-нарный правилым сайын шуктен шога. Барышева уш-калым презе ыштыме деч вара суткалан куд гана лӱшта, кече еҗа эрыкта. Адак шокшо ийгече годым вӱд дене чывылта. Садлан

тудын лӱштымӱ ушкал-ша-мыч шӱрым поснак шуко пуат. Барышева лӱштымӱ "Лия" луман кум презан ушкал 300 кече жапыште 9 тӱж. 157 литр шӱрым пуэн.

"КИМ" совхозышто вольк ончымо пашам уло чон де-не йӱратен ыштыше ен-шамыч ятыр улыт. Теве доярка Засорина йолташ 300 кече жапыште "Нурби-ка" луман ныл презан уш-кал деч 8 тӱжем 405 литр шӱрым лӱштен.

"КИМ" совхоз шӱрым шу-ко пушо ушкал-шамычым ончен кушта. Тыге тудо мемнан колхоз - шамычлан сай урлык ушкал-шамычым ямдыла. Кызыт "КИМ" сов-хоз вольк ончымаште шкенжын примерный паша-жым Всесоюзный ял озан-лык Выставкыште ончыкта.

У книга

Л. Успенский "Ныл боевой случай" книгам рушла гыч марлашке Н. Орешкин кусарен.

ВЛКСМ ЦК йочалитиз-дат. 1939 ий.

Тиде книгамте граждан сар годым Климент Ефре-мович Ворошиловын илы-шыж гыч фронтышто лийше эн тыгалай боевой случай нерген ончыктымо.

Иудшӱ-кечыже крдал-маш лийын шоген, йуд-шӱ-кечыже мемнан крас-ноармейский часть-шамыч востокуш, Юл дек, Цари-цын ола дек (кызыт тудым Сталинград манят) лише-мыныт.

Корно йӱсӱ улмаш, чыла вел гычат ишыктеныт. Йы-рым-йыр винтовко да ору-дий дене луйкалыме, пу-дештме йӱк шоктен... Мем-нан войска-шамыч шке ол-чылышты изи казачий ялым, Пятизбенный станицийым ужмекышт, кенета йырым-йыр шып лийын.

Разведкыш пулеметан боевой бронированный ав-томобильым колташ лй-йыч. Броневикийн коман-диржылан армийын коман-дующийже Климент Воро-шилов каен. Тудын вуйла-тымыже дене разведка па-ша шукталтын.

Вес случайже Царицын лишне, Юл дене лийын. Ош армий, Царицын дек пеш чак лишемын, Царицы-ным кольча дене авырма-ла кум вел гычат авыре-ныт улмаш. Туге гы-нат, Ворошиловын лӱдды-мӱ разведкыже тушманым сенен.

Кумышо случай Воропо-ново станицийыште лийын. Тушто тудо лӱяш ямдыл-ме пулеметым верештын. Тудо пулемет дене Клим Ворошилов тушманым чак-тарен.

Ошо-шамыч ваштареш крдалмаш мучашыш шуаш тунгалын. Советский эл шкенжын ик пытартыш шуко тушманжым - барон Врангельм кырен. Вранге-левек дене крдалмаште лийше ик случайым нылым-ше случайыште возымо.

Тиде книгамте Клим Во-рошиловын мудро да мош-тен вуйлатымыже ончык-талтын.



Тиде книга йоча-шамыч-лан пеш интересный да цен-ный. Йылме шотыштат луд-даш каньыле да умлаш куштылго. Акшат шулдо, 40 ыр веле





23 августышто „Динамо“ стадионышто Марийский АССР Верховный Советын Кокымшо Сессийже лумеш Йошкар-Оласе спортивный общество-шамычын физкультурникишт выступатленят.

Снимкыште: (шолга гыч пурлашке): Ж. Костромина йолташ ийын кая. Р. Костромина йолташ вудышкы торшта. 100 метр дистанцийым куржмаш финишыште Фаворский йолташ. Йошкар-Ола „Динамо“ ден Казань „Динамо“ команда-шамычын футболный матчышт. Шемер-шамыч физкультурный выступленийым ончат. Фото С. Чуршукерын.

ГРАНИЦА ВЕС ВЕЛНЕ

Итальянский калыкын Франком ужмыжо ок шу

Северный Италийн ик олаштыже фашистский власть-шамыч ик уремлан Испанийн палакше—Франкон лумжым пуаш решитленят.

Урем лукласе порт-шамыч воктен „Франко урем“ манн возыман онга-шамычым кырен шындылыныт.

Эрлашыжым тиде онга-шамычын олмыштышт „Долорес Ибаррури (Пассионария) урем“ манн возыман онга-шамыч лийыныт.

Полицейский-шамыч турло семен тыршенят гынат, ко тыге ыштен-нигузепален кертн огытыл.

Америкыште полиций школьник-шамычым поктылеш

Капиталистический эллаштыже кокла гыч эн поян элыште—Америкын Соединенный Штатлаштыже—тужак дене учитель-шамыч шунн пашаштлан тулаш окса уке манн паша гыч лукмо улыт.

Паша гыч лукмо учитель-шамыч шукушт шке пашаштым туге йоратат, да же йоча-шамычым яра туныкташат конат. Но нуным

школ портлашке „брыдж ен“ манн огыт пурто.

Туге гынат, учитель ден ученик-шамыч занятииштым эртарат. Нуно парклашке, бульварлашке погынат да чылт чараштак заннматлат.

Полиций тиде уроком „незаконный погынымашлан“ шотлен, нуным поктылеш.

Чыла нерген пугыжым

● **ОСАКА ОЛАШТЕ** (Япония) шуэн колтымо бомбын пудештыжыже дене коваште фабрика йулен. Тидын деч вара эше 16 фабрика-шамыч йуленыт.

● **ГЕРМАНСКИЙ** фашист-шамыч шунн налме Клайпедский областысе государственной да частный школла гыч литовский профессор ден учитель-шамычым поктен луктыныт. Нунн олмеш фашистский учитель-шамычым шогалтеныт.

● **МЛАДО-БОЛЕСЛАВЛЬ** олаште (Чехо-Словакий) Школан военный заводлаштыже 18 августышто пашазе-шамыч всеобщий забастовкым туналыныт. Бастоватлыше-шамыч пашадарым кузкыташ йодыт.

● **ТҮНЯН** автомобильный корнылаштыже несчастный случай лийдыме дене пытаргыш 11 йочаште 2 миллион утла ен колен да сусырген.

● **МЕМНАН** элысе профсоюз-шамычын пионерский лагерьлаштыш теней кегежым миллионат пелэ йоча-шамыч каненыт.

ЙОДЫШ УЛЫШТАРЕНА

Тылзыште илыш уло мо?

Тылзе Мланде деч ойырлен кайме дене лийн. Тунам тудын атмосфержат улмаш. Но кучык жапыште (конешне, астровомический кучык) Тылзе юж пространствыште шке атмосфержым йомдарен. Теве молан: Тылзын изи улмыжлан тудын притяжений вийжат изи, тыге шке атмосфержымат кучен кертн огыл.

Тылзыште иктаж гана илыш лийн мо? Моло планетлаште илыш уло але уке улмо нерген ме доказатлен она керт, тугак тиде йодышланат ответым пуаш мемнан доказательствына уке. Но каласаш лийш: илыш Мландыште велэ огыл лийн кертеш, тиде моло планет-шамычланат общий закон. Садлан ме предполагатлен кертна: кунам тылзын атмосферже лийн, тунам тушто иктаж-могай форман органический илыш лийыныт.

Нуно могай форман лий-

ныт—ме она кале.

Южышт адак йодыт: Тылзыш чонештан лийш мо?

Тылзыш чонештан куштылго огыл. Межпланетный путешествийн теорийже пеш ситышын уло. Но чонештымашым ышташ эше шуко ок сите.

Вес планетыш чонештан йорш планетым ышташ да тудым мо кулеш дене темаш Мланде умбалне эн неле экспедицийн ыштымаш дене танастарашат ок лий, вот тудо могай йорш паша. Мутлан, планет-шамыч кокласе пространствыште мланде шарын ни-могай точкыштыжат лийн кертдыме пеш йушты температура.

Ракетым ышташлан тугай йушты температурышто металлн кузе васталтыжым шинчаш кулеш. Главныйже—планет коклаште чонештымашым ышташ йорш пеш кугу калорийностян горючийн му-мо огыл.

КАПИТАЛИСТИЧЕСКИЙ ЭЛЛАШТЕ ЙОЧА ТРУД

Тешто квалифицированный фрезеровщик Джон Тресси нде кокымшо ий паша деч посна коштыт. Тудын мбгыштыжы ватыже да кум шочшыжо уло. Джон кажне эрдене паша кычалаш каймыж деч ончыч рвезырак кояш шкенжым торла, саемда. Но тиде тудлан шагал полша, кастене мбгыжы адак ярнен портылеш.

Джон Тресси кече мучко шуко фабрикашке, заводлашке коштеда, но эре ик гай вашмутымак велэ колеш:

—Тый нде шонго улат. Йоча-шамычтым колто...

Джон Тресси ешыжым шужымаш деч утарашлан, шым ияш да индеш ияш кугурак йочаже денат паша кычалаш коштын ончен, но нимо шот лийн огыл.

Чыла вераат: —Эше пеш изи улыт. Иктаж кок—кум ий гыч колтыза, —маннн вашмутым жуэныт.

Кызыт Английыште шуды тужак дене квалифицированный пашазе-шамыч Джон Тресси гаяк начар положенийште улыт.

Капиталистический эллаште пашадыме-шамыч кажне кечын шукемат. Английыште пашадыме-шамыч 2 миллионы ко шуныт. Пашадыме-шамыч шуко улыман кобра капиталист-шамыч пашазын пашадаржым иземдат, пашам эша утларак ыштыктат. Английыште, США-

ште, Францийыште да моло капиталистический эллаштат 40 ияш деч кугурак ийготан пашазе-шамыч пашам муын огыт керт.

Нине пашазе-шамычлан: —Йочадам колтыза, —велэ манит.

Капиталист-шамычлан йоча труд кугу егын трудшо деч шулдын логалеш, нуным эксплуатироватлаш кугу ег деч куштылгырак. Оза-шамыч кугу ег-шамычлан пашадар тулым акым тулаш огыл манн, ийгот шушо молодежимат паша гыч пеш шуко луктын колтат. Молодеж олмеш пашашке подросток-шамычым налыт.

Английн шуко районлаштыже школьник-шамычлан пашам ыштыктат. Ланкашир-ште тужак дене школьник-шамыч ариялан 32 час газет нумалшылан пашам ыштат. Нуно час жап паша ыштымылан 10 ырым гына налыт. Пытаргыш ийлаште, Английн ятыр олалаштыже школьник-шамычын трудыштым кучылтмаш ятыр кушкын. Лондон-ысо кинотеатрлаште 23 тужак, угольный шахтылаште 70 тужак утла йоча-шамыч пашам ыштат. Нунн паша кечышт 12 час марте шуэш. Йоча-шамычын школыш коштымашышт кажне ийын изем толеш.

Кызыт Америкын Соединенный Штатлаштыже 11 миллионат пелэ утла пашазе-шамыч

паша деч посна коштыт. Тиде жапыштак фабрикаште, заводлаште да рудниклаште йоча-шамыч шукемат. США-н ял озанлык пашаштыже кок миллион утла йоча-шамыч кучылталтыт. Нунн кокла гыч миллионат пелыже 16—17 ияш, 450 тужакже 14 гыч 15 ияш, 250 тужак наре 10 гыч 13 ияш марте улыт.

Йоча-шамычын могай условийыште паша ыштымыштым нигоат огеш эскере. Ятыр штатлаште йоча-шамыч 8 часан паша кече олмеш 9—10 час ыштат. Йоча-шамыч коклаште пеш чучкыдынак энгек-шамыч лиедат. Южный Америкын 16 штатыште улшо предприятийлаштыже кажне ийын 18 ияш деч изи 25 тужак подросток-шамыч локтылалтыт.

Фашистский Германияште йоча труд кугун кучылталтеш. Фабрикаште, заводлаште йоча-шамычым яныкка эксплуатироватлат. Теве Саксонийысе ик консервный фабрикыште 13 ияш изи удыр-шамыч суткалан 19 час дене пашам ыштат. Фашист-шамыч фабрик ден заводлаште ученик-шамычлан кугу-шамыч нарак пашам ыштыктат, а пашадарым шотлан гына тулат. Тунемме срок эртымеке нине ученик-шамычым паша гыч луктын колтат, вара адак у-шамычым погат.

А. ГРИГ.



Тыште мом возымо?



Палыза, тыште мом возымо? ЛОГИНОВ СЕМЕН. Оршанке район, Июльнан детдом.

ШАРАДА

Первый слог—числа, Кокымшо — мланде вьса. Чылаже Ленинградский областсье ола. ДИМИТРИЕВ ВОЛОДЯ. Морко район, Сердыж ял.

ОТВЕТ-ШАМЫЧ

(28 июльысо да 4 августысо „Ямде лийым“ ончо)

ШАРАДА. Атакама. ПАЛЫЗА. Кураш—Кура. МЕТАГРАММА. Бочка—точка. Чын ответым колтеныт: Рыбаков Анатолий (Шернур район, Марий-Сола НСШ), Димитриев Володя (Морко район, Сердыж ял).

Отв. редактор— И. М. МУЗУРОВ.